

MSSM rugi bersih RM74.39 juta separuh pertama

MSSM Malaysia Holdings Bhd mencatatkan kerugian bersih sebanyak RM74.39 juta pada separuh pertama 2019 berbanding keuntungan bersih berjumlah RM30.14 juta yang direkodkan dalam tempoh yang sama pada tahun lalu.

MSSM dalam satu kenyataan berkata, ia juga mencatatkan penurunan 14 peratus dalam pendapatan kepada RM/959.84 juta pada separuh pertama 2019 daripada RM1.12 bilion sebelum ini.

"Kerugian bersih ini sebahagiannya berpunca daripada kos pembiayaan yang agak tinggi serta kos pengkomersialan MSSM Johor termasuk susut nilai.

"Sebaliknya, pendapatan yang lebih rendah boleh dikaitkan dengan gabungan beberapa faktor seperti penurunan harga purata (ASP) gula pasir, kejatuhan nilai ringgit, ini menyebabkan kenaikan kos bahan mentah dan perahungan yang sengit dalam pasaran termasuk kos yang berkaitan

dengan loji penapisan di Johor," katanya lagi.

Sepanjang separuh pertama 2019, MSSM merekodkan penurunan dalam ASP bagi sektor domestik serta industri, masing-masing sebanyak 9.0 peratus dan 13 peratus berikutan berlakunya lambakan bekalan gula.

"Ini berpunca daripada pengeluaran Permit Kelulusan baharu dalam sektor perindustrian, yang mengakibatkan persahungan harga. Sementara itu, peningkatan

persaingan di pasaran eksport telah mengakibatkan pengurangan dalam ASP serta jumlah jualan, masing-masing sebanyak 3.0 peratus dan 21 peratus," katanya.

Ketua Pegawai Eksekutif MSSM, Datuk Khairil Anuar Aziz, berkata kumpulan menjangkakan 2019 akan terus mencabar berikutan lambakan gula pasir dalam pasaran tempatan dan kemerosotan nilai ringgit.

"Kos penapisan bertambah 15 peratus disebabkan oleh kos bahan

api yang lebih tinggi berikutan peningkatan tarif gas sejak dari Januari 2019. Prestasi kewangan terus terjejas akibat kadar penggunaan kapasiti yang lebih rendah di MSSM Johor, sejak ia beroperasi pada April lalu," katanya.

Beliau ketika mengulas mengenai prospek menjelaskan, pasaran telah meramalkan ringgit yang lebih kukuh dan ini akan memberi kesan yang lebih positif bagi MSSM dalam tempoh beberapa bulan lagi.

BERNAMA